

爨
桐
吟
草

卷
二

賞菊 戊申

曲檻疏籬畔輕烟細雨中但教香入夢莫使葉當風
剪燭防花睡衰顏借酒紅芳心無處寄隨蝶過牆東
多少傷秋意都歸冷豔中萬花承曉露一夜飽西風
烟過留痕碧霞飛照影紅重陽如可駐笑指竹籬東
捲簾試一望秋色滿庭中栩栩花間蛺蝶蕭蕭林下風
霜飛三徑白燼落一燈紅隔院聞笙磬悽鏘宛在東
影落疏籬外香添逆旅中淵明歸去後千載想高風
露下妝仍淡霜侵葉不紅故園開也未飛夢渡遼東
白衣送酒至滿屋看花狂有色豈嫌淡無言只自芳

三秋輪指過一瓣抵心香
隔座傳觴處燈檠夜有光
歲歲看花好年年笑酒狂
不緣撐傲骨那得賞孤芳
莫訝重簾隔還留一枕香
落英如可拾也足抵瑤光
花癖由來重詩懷老倍狂
開門邀月入結佩比蘭芳
也共茱萸插生憎茉莉香
一庭秋富貴留住是春光
有客吟湘苦拈毫比我狂
烟籠三徑晚色奪九秋芳
作枕人無賴題糕字亦香
劉楨花下立平視訝神光

悼次女

庚申

自汝爲人婦天乎各一涯
五年眞夢幻一病竟終乖
漫說英雄淚不爲兒女揩
長生旣無分何事入娘懷

汝于春季歿逾夏我方知自恨離家久非關得信遲
鳥啼花落後腸斷淚枯時亦作達觀想淒風却暗吹

望海亭

一上孤山寺巋然望海亭潮聲喧遠白石骨露微青
松偃蒼鱗蹙烟深暮靄冥登臨思小憇嶺半看雲停

感事

時事竟如此村農淚暗傾綠林鋪地密洪憲逆天行
殷世何人鑒周原幾日平閉門無客到聊以篆餘生

郊行

郊行四五里秋原又一村黃塵飛客袂紅葉醉霜痕

一水如帶隔亂山
隨馬奔游踪無遠近
曠埜已黃昏

往事

往事不可說
未來須慎之
寧教雜漁釣
莫使愧鬚眉
琥珀一杯酒
琳琅千首詩
起看窗外月
朗朗照人時
我官起居注
後先纔半年
翻然失禹甸
何處戴堯天
食蕨縱堪飽
買山苦無錢
一枝聊暫借
斂翼便歸田
馳騁文章囿
當年亦有聲
旋歸全我素
不辱便爲榮
飲酒塵懷滌
哦詩滯慮清
古人如可作
千載見真情

詠古

一入槐安國夢中
別有天駙馬職都尉
貴主貌神仙

富貴固如此遭逢何不然黃粱熟也未更覓枕頭眠

民願

六年憂國淚往往背人彈
憫亂歌荑楚歸田賦考槃
幾番棋變局何日水安瀾
天果從民願山河復舊觀

輓業師楊蔭堂先生

光緒壬辰

自爲童子日特地受栽培
字畧塗鴉劣文曾刻燭催
分襟纔幾日聞訃不勝哀
猶幸羊公鶴生前舞過來

閒吟

己未

高臥北窗下寂寞似陶潛
世濁聊隨俗泉清惟飲廉
渴來頻喚酒冷極不趨炎
養得一生拙盤中置白鹽

大陸

大陸風雲變紛紜五六年全球誰幹運百姓儘堪憐
戰地禾麻少軍聲風鶴傳天河如可挽萬里洗烽煙

過吉兒墓

不見氣熊熊文章埋土中廿年墳草綠一掬淚痕紅
深夜飛燐碧苦吟作鬼雄秋宵風景好游戲到河東

埜花

歷亂發秋花秋花滿目遮稀微滴白露燦爛綻紅葩
黃碧盈阡陌紛披覆凸窪對花思故友遐想到天涯

八月十六日三更後散步河干

獨有河干月澄清分外明
蕭疎楊柳影俯仰古今情
兔魄天無翳魚游水有聲
迴看塋畔稼滯穗畝縱橫

讀友人致袁項城書感賦

袁氏初承詔中心尙有清
微君苦口諫那遽倒戈行
哲學凌歐亞螫懷蓄中兵
一書蒙顧盼便可享榮名

憂時

漫洒憂時淚乾坤歎晦蒙
鼎顛臣筮蹇否極歲占豐
鵲蚌忽邊患虺蛇釀內訌
無知羨菰楚沃沃隱深叢

卽景

好景供人賞天然勝畫工
蟲吟秋月白雀噪夕陽紅

禾長高低異鴻飛先後同中山棲隱處浩氣亘長虹

秋色

秋色十分好風飄瑩菊香自來幽勝處最好是山莊
有道遠維郭無功却憶王讀書飲酒外花鳥足佯狂

眞樂

南園花滿樹西渚水盈漚天賦有眞樂人生那用愁
隨時逐光景絕不羨公侯徙倚荆扉外逍遙扶杖游

秋風

最愛秋風至風來又惹愁能添詩酒興反礙稻粱謀
隴畔一經過禾苗偃可憂天公憐赤子且暫息颼颼

詠史

古今多少事俯仰不勝哀劉季惟天授項王真廢才
不知重綱紀蔑視如塵埃無怪鄉三老相攜獻策來

平生

平生一瓣香老聃與蒙莊漆園仙吏隱柱下史才良
俯仰懷千古空明月滿牀一杯常在手此樂本難忘
姝姝兼煖煖平生學端莊境過翻然悟心安纔是良
三年拋幻迹一笑近書牀獨寐碩人好終身矢不忘

顧我

顧我無一能難怪世人憎栗里避劉宋桃源記武陵

文章傲秋水心事惕春冰
拊石黃昏動清齋理佛燈

南園

勝事南園好蛩聲四壁聽
秋花原不落衰柳尙垂青
曉露滋塍潤涼風吹酒醒
園蔬親手摘埜趣發奇馨

眼鏡

眼與鏡俱花燈前似霧遮
我躬旣髦老目力反增加
豈是昏明變都緣學養差
猶存千里志伏櫪看駟驂

飲茶

怎怪思清甚茶多飲不辭
廿年充吏隱百首傲陶詩
手乏回天力心殷向日葵
龍團煎幾餅一嗅便開眉

詠菊

扶杖南園望黃花絕可憐有香還正色退後不爭先
秋氣清如水疎籬淡似煙陶家詩弟子醉後樂陶然
有感

造物本天工秋花別樣紅可知閒草木與衆不從同
爭名並爭利化沙兼化蟲何如塵海外天半看冥鴻
中秋望後一日同內子賞月

一樣中秋月還同昨夜明那知枯槁士也有臂鬟情
內子愁多病山人筆作聲捲簾試一望慰問涕縱橫
浮雲蔽銀漢頃便清明皎潔騷人思綢繆萬古情

一輪懸兔魄四壁聽蛩聲
啟戶觀乾象撓槍天半橫

晚景

大堤被衰草萬樹生微煙
共說霜林好誰知晚景妍
鴉飛秋水外雁渡夕陽天
埜老羨閑逸空山思杳然

踪跡

踪跡徧天下歸來棲敝廬
能識一字是勝讀十年書
佛法平等視涅槃滅度餘
臨叩親貰酒竊擬比相如

寒儒

世間貧賤樂大半屬寒儒
衣食雖難給詩書足自娛
簞瓢顏有巷衿履憲爲徒
會得此中趣高吟倚槁梧

寒梅

山中風月好清極
到寒梅浮動香盈樹
橫斜水一隈
綺窗妻對鏡
小院鶴初胎
莫說冰霜冷
陽春紙帳回
亡妻百日長女持楮帛來奠感賦

無母亦何恃
有父劇堪憐
豈料劫灰後
尙留行地仙
生涯殊落寞
淚下獨潸然
百日原非久
從茲紀萬年
五代

世亂如五代
岌岌殆乎哉
猶有綱常在
遂生旋轉才
天心終悔禍
醜類不相猜
豈料到今日
陰霾遍九垓

六朝

山水饒佳勝千年說六朝文章驚絕艷士女競浮囂
詞客乏長策佳人吹短簫後庭花唱罷嗚咽廣陵潮

桃源

綠樹濃於染清陰蔽草廬厭聞天下事勤理案頭書
門閉客稀到花開錦不如桃源津可問莫羨武陵漁

大雨誌喜

大雨沛然下禾苗計日興如何忘帝力罔識有年徵
畊侶斜瞻笠叢生不辨塍懸知秋稼好酒熟酌良朋
大雨滂沱降沿村溝澮盈千條垂柳碧一曲聽蛙鳴
冉冉斜陽晚青青埜趣生老農歡未艾擊壤樂年豐

康南海

生才原不易拋棄豈天心造化能顛倒危時縱檢壬
可憐臣命蹇那得大君臨扶杖仰天歎蹉跎竟至今

吟草題後

眼中多少淚都向筆端流眇眇微軀隱茫茫大局憂
不堪沈陸阨豈爲悼亡愁覆瓿詩千首開懷酒一甌

秋稼

今年秋稼好飽煖仗天功樂歲聲聲唱豐收處處同
人苦不知足心還抱歉衷杖藜南畝望酒冷醉顏紅

秋雲

扶杖看秋雲秋雲自可欣飛揚助武帝慷慨到河汾
蒼狗隨時變巫山一縷裙苞符元氣足朝暮睇氤氲

秋音

秋砧發杵音秋磬散空林舊韻聲聲笛新詩夜夜吟
寒蛩鳴土壁瘦蝶掠花陰簷畔啁啾鳥宵深徹耳根

秋槐

秋來看大槐黃落不勝衰老樹千年古好花幾日開
七八載凋瘁三百歲栽培何日見天日王孫伏草萊

懷舊

當日仕京華退朝宣白麻何圖逢世變肥遯自矜誇